



Sogär d' Moral heat sä entpupt,
dass sie gad ou no ischt korrupt.

Uf was söll üsar uos no schoua,
wenn d' blös mä kascht dem Teifel troua ?

Blös Sensationa und viel Totä
dem Fernseh bringend Seochar-Quotä.
Blibt d' Frog, ischt d' Quotä z'letscht do Grund,
warom d' Kultur kut uf-o Hund ?

Wenn z' Doarobioro ma bim Gricht
däs mit dem lorb für andrä richt,
ischt d' Frog, wenn d' was dir g'hört nid iorbscht,
rentiert as sä no, dass du stiorbscht ?

Mir heand do-n-Euro, däs ischt quot,
wenn ma ou übr-o schimpfo tuot.
As frogat sä, was d' Lüt all wänd,
wo fröüor ou nio gnuo g'hio händ ?


As brucht do Staat, jo, Staat muoss si,
will ohne, het ma d' Anarchie
und eopas schon no frogä ka-n-ä,
wo tät ma sus d' Beamto-n-anä ?

Das Schüo am Weotter ischt däs dra,
dass seolber ma dofür nid ka.
Blibt d' Frog, warom ischt-as sowit,
dass mir ma d' Schuld am Klima git ?

I luog uf mi, i erschter Linä;
däs will in Kopf nid alla-n-inä.
As goht ou mir seolb nid in Grind,
warom d' Lüt Egoischto siond ?



(ASP590--22.02.2012)



Vom Zuckerhuot dar overscht Spitz
sei süoßer as do Räscht a bitz.
Däs heat beschtimmt an Grund, an gwiossa.
Blös säg, muoß däs ma hüt no wiossa ?

Vom Kilo d' Hälfte ischt a Pfund,
An Kreis sei, wil ar Kreis sei, rund.
Däs heat beschtimmt an Grund, an gwiossa.
Blös säg, warum söt i däs wiossa ?

Do Mo niomt ab, do Mo niomt zuo,
ar wür 's ou ohne d' Menschheit tuo.
Ar heat beschtimmt an Grund, an gwiossa.
warom söt i däs aber wiossa ?

's Nöü-Johr focht all im Wionter a,
as tuot 's scho, sit ma dänko ma.
Däs heat beschtimmt an Grund, an gwiossa.
Blös, muß ma deonar eopas wiossa ?

Acht Tag seit ma im Ländlä
zur Wocho – u'veständlä.
Däs heat beschtimmt an Grund, an gwiossa.
Blös säg, woher ka-n-i däs wiossa ?

Am Ultimo do Nachgschmack lit,
dass all ma z' wenig Luo uom git.
Däs heat beschtimmt an Grund, an gwiossa.
Dän möchte i kenno, möcht i wiossa.

Wer neobot-us no nio sei gango,
sei i der Mionderheit afango.
Däs heat beschtimmt an Grund, an gwiossa,
as söt 's do Partner halt nid wiossa.

An Kreis sei allmol no kreisrund,
uo Gleslä Schnaps sei all no gsund.
Däs heat beschtimmt an Grund, an gwiossa,
was gsund ischt, söt ma schon o wiossa.



(ASF591--07.03.2012)



Lobbyischt

(ASP592--18.03.2012)

Wer im Bestecho Moaschter ischt,
heat 's Züg dorzuo zum Lobbyischt.
As hoast, das däs scho all ma töü,
d' Berufsbezeichnung blös ischt nöü.

's viel Geold ischt Mittel blös zum Zweock,
do Rechtsstaat kümmerat iohn an Dreock.
Als Lobbyischt arspärascht Stüora,
heascht Zuogang zu viel Hiondertüora.

Wenn uonna stoarat z' roß im Dreock,
strit uofach er gär alls aweock.
Wil er kaum eopas je schribt uf,
kut kaum an Saatsanwalt je druf.

Ar kenn, seit sealb ar, Gott und d' Weolt,
wiß „wio“, wenn 's goht om schwarzes Geold.
Verstoht zum's i-n-a Stiftung tuo,
i-n-a Versteck, im Liochtostuo.

Das erscht Gebot vom Lobbyischt
ischt, dass-ar voll vergeosslä ischt.
Ar woast, wenn ma iohn frogat nio
für was ar uonom Geold hei 'gio;
ka Provision uom zuoko lo,
wo seit, dass er jo nünt hei to.

Kenn jeden wo gern d' Händ ufhalt,
sä für sin Zweock dofür i'schalt.

As ischt iohm glich, wellä Partei
as, wenn sie gad blös dicht halt, sei.

Wenn Provision i überküm
für 's nünt tuo, i gad ou sä nüm.

Will däs für mi no nid so ischt
als schmiorig giolt do Lobbyischt.
Was gär nid hoafst, dass i nid wet,
dass 's Züg i zum B'rufsbild het.



(ASP592--18.03.2012)



Am Hemp a jedem Ma kennscht a
was undrom Hemp a iohm ischt dra.

A Marko-Hemp vo unom seit,
dass Wert ar blos uf 's Üssor leit.

Mit großem Karo der 's probiert,
wo drundert dion ischt klein-kariort.

A Hemp wo grüo-n-ischt, lot druf schlüßo,
kouft 's Wild ir Mex, statt 's seolb zum schüßo.

A geols Hemp treit an Protzlä gern,
und muont, as sei all no modern.

A Hemp mit a ma broato Krago
macht no kuon Playboy us am Schrago.

Wer 's Hemp treit losa übro Hosa,
heat an Charakter ou an losa.

I-n-a 'ma Hemp mit türom Knopf,
do steakat gwioß an arma Tropf.

Isch 's Hemp vo uom am Krago speockig,
ischt nid sin Hals alluonig dreockig.

Das bluomat Hemp glich gschmaklos ischt
wio z' Jesolo dar dütsch Tourischt.


Bi uom mit Hemp mit Achselklappa
do Hochmuot sieht ma überschwappa.

's Hemp nid amol no schuldig blibt,
was uon alle no zum blöd tuo triibt.

A Hemp seit ou no was vom Ma
ma nid gär alle arwarta ka.

Wenn 's a'kut uf di Wib, muoscht losa,
sogar 's Hemp passa söt zum Gsicht.

Wenn mir di mi 's am Morgo richt,
denn passot as zuo-n-Underhosa !



(ASP593—16.04.2012)



Was blibt

(ASP594— 22.04.2012)



As ischt dir alls blös g'liocho.
Was g'hört vo-n-allem di ?
Weom würd as schließlä si,
ischt dinä Zit verstriecho ?


Weon 's Geold nid röschta lot,
wer dra sä klammrat schützlä,
wenn 's er heat ommä, stoht
im Grundbuoch ou mit Krüzlä.

Was – ohne ma 's verscribt,
vo uom arhalto blibt,
druf kascht uf all Fäll go,
ischt, was ma Guots heat to.

Wenn also vor as z' spät ischt
a guots Werk, wio gseit, tätischt,
an Litar zwio spendiertischt,
am meishto profitiertischt.



(ASP594— 22.04.2012)



Hund und Katz


(ASP595— 04.05.2012)

An Hund mit Stammbom heat an Schatz,
pervers a klä , sie ischt a Katz.
D' Verwandtschaft will däs nid verstoh,
der het gnuog Andrä überko.
Wenn hüt ou dio iohm gfallo töü,
as komm a Zit, wo däs iohn röü.
Er aber goht zum Pfarrar gnot,
von wegen sinem Ufgebot.
Do Pfarrar heat 's dem Bischof gseit,
heat iohm do bsundro Fall vortreit,
An Weog do Bischof jo scho fünd,
wenn Rom nid strickt dogegot stünd.
So heat dänn 's Pärälä sä entschiodo,
ischt ohne Trauschie zämmo bliebo.
As ob däs a Problem hüt wär;
sie spärand d' Kiorchostür sogär.

Wenn Rom nid mit sä reda lot,
kuon Hund mä bald i d' Kiorcho goht.



(ASP595— 04.05.2012)



Löüo-Bier

(ASP596—14.07.2012)



Uf Lindo isch-as nid so wit,
vor allem, wenn as Bockbier git.
Am liechtischtu du nischt a Schiff,
däs ischt alluo ou drom scho wif:
do Führerschi ischt nid i Gfohr.

A uonom Wochotag as zwor
nid rotsam ischt, gi Lindo z' goh,
ma künn a jedem andro ko.
A däm beschtimmtu Wochotag,
am Miokto, wil ma döt do Löü
wo sus recht stolz in Himmel rag,
vom Sockel z' Liondo-n-abar töü.
Uf 's Häfilä do Löüma setz
und dass ar sä, nid z' letscht verletz,
roß hofilä dänn z'ruck ma 'n stell,
wio Tradition däs eobo well.

Do Inhalt aber vo deom Gschier
bruch d' Brouarei für's Löüo-Bier.
Des Bier-Rezept hei sus gär niomig
as dio vom Löüo z' Liondo dionig.
An Schado wär as roß für Liondo,
tät eopar Ähnlichs ussarfiondo.

Für Liondo wär do Schado groß,
sogar do Löü wär „arbeitslos“.



(ASP596—14.07.2012)



Was gsund ischt, döt muoscht seolb druf ko;
was darscht – und was du si muoscht lo.
A jedem sina Körper seit,
was er nid will – was er vertreit.
Vor allem 's Züg, das süß und guot
- kriegscht z' viel dorvo – guot uom nid tuot.

Do Mago seit dir, nid do Kopf,
ioß Schwarzbrot gschieder as all Zopf.

Di^(ch)Sufo z' hörot, d' Leobro hoaßt,
wenn nid do Kopf, wenn 's gnuo-g-ischt, woaßt.

Du leornascht, was dir guot tuot kenno,
wenn Marathon muonscht müoßischt renno.

Im Bett nid z' hofilä nid z'roß,
ou döt empfiolt sä 's Miottelmoß.

Lischt z' lang du uf-om Kanobee,
tout 's Krüz dir, statt heascht gröschtet, weh.

Blös, wenn d' dänn langsam gär alls loscht,
was Leoba hoaßt - numma verstohscht.





an Hag

(ASF598— 24.09.2012)

Ma heat i alter Zit om d' Stadt
reocht wehrhaft, starke Müra bout,
will Fürsorge troffo heat ma, statt
uf Feind wo harmlos siond, vertrout.

Dio Müra stond z' meischt hüt no do,
ma ischt i nöüor Zit druf ko,
dass, wer sä mit ar Mur omgit,
sioht besser us, ou ohne Strit.

Ganz ähnle mit do Häg ma 's triibt.
Wer will scho hüt nid besser si.
A jeda hagat so sä i,
dass iohm do Ruof a(l)s Bessra blibt.
Am beschto mit ar Bruchstuoh-Mur,
däs wirkt wio adelig a Spur.
das gschmiodat, gschnörglat Gartotor,
kut jedenfalls feudal uom vor.

Wer hochä Ibo-Böscho setzt,
brucht vor kuom Fioschter mä an Lado,
wer, dass sie waxond, fließig netzt,
däm, sioht dorfür ma nid i's Gado,



ASF598— 24.09.2012)



Dar oago bleachig Undersatz
ästetisch, mit ar Top-Maschino,
Metallik-Lack no ohne Kratz,
ischt mina Stolz bisher all gsi no.

Vo minom Turbo d' Bärkraft,
i sechs Sekunda Hundert schafft.

I niom 's mit am Ferari uf,
uf d' Strossolag kascht schwöro druf.

Do Schpoilar git uf d' Ax do Druck,
bim Blitzstart hout 's di usamft z'ruck.

Wenn i uf 's Gas stoh, kascht druf goh,
dass i a jeden hionna lo.

Das uonzig ischt, was mi roß quält,
dass mior a Boxoluder fehlt.



(ASP599— 21.05.2012)